



**Inatsisartuni ilaasortaq
Aqqa Samuelsen
Inuit Ataqtigiit**

29-10-2019

Sags nr.
2019 - 23034
Postboks 930
3900 Nuuk

Tlf. (+299) 34 68 00

Fax (+299) 32 43 02

E-mail: asn@naanoq.gl

www.naalakkersuisut.gl

**Uummannami Imeq pillugu § 37-mut tunngasutut apeqqut nr. 2019/326-
miittunik akissutit**

Asasara Aqqa Samuelsen

Inatsisartut suleriaasianni § 37, imm. 1 naapertorlugu Uummannami imeqarnermut tunngasunik Naalakkersuisunut apeqquteqarsimavutit. Apeqqutit taakku suliassa qarfinnut innersuussutaasimapput, ataanilu akissuteqarfiupput:

**1. Uummannami erngup uuliamik akuneqarsimanera oqartussaasut
kikkut akisussaaffigaat?**

Akissut:

Pisortat pilersuineranni innaallagissamik, imermik kiassarnermillu tunisassiorlunilu pilersuinissamut Kalaallit Nunaanni pilersuisarnermik suliffeqarfittut Nukissiorfiit akisussaasuvoq. Suliassa qarfittut akisussaaffeqartutut naalakkersuisoqarfik tassaavoq Inuussutissarsiornermut, Nukissiuuteqarnermut Ilisimatusarnermullu Naalakkersuisoqarfik.

**2. Uummannami erngup akuneqarsimanera allani
nalaanneqaqqissanngippat iliusissat qanoq ittut suliarineqarpat?**

Akissut:

Inuussutissarsiornermut, Nukissiuuteqarnermut Ilisimatusarnermullu Naalakkersuisoqarfimmiit imatut akissuteqarput: Nunami tamarmi imeqarfiani tamani suliaraqfigisatut pisortat sakkuattut Dokumenteret Drikkevandssikkerhedip (DDS – Uppernarsagaasutut Erngup imigassap Isumannaarneqarneranik) eqqussuineq Nukissiorfiit ingerlatileruttorpaat. DDS ilaatigut eqqiluisaarneq, imermik pissarsiornermik ingerlassaqarneq, erngup suliarinera, siammartiternera aammalu mingutsitsisoqarnissamut aarleqqutaassut sumiissusersineri sammisarai. DDS-ip siunertaraa ingerlassami tamarmi – pissarsiariniarneranit atuisartumut – erngup imigassap pitsaassusaata qularnaarnissaa.

Nunami ingerlatsiviit tamarmik ajornartorsiutaasoq pillugu ilisimatinneqarsimanerat Nukissiorfiit ilisimatitsissutigaa, taamaattumillu

akuutissanik nuussuilluni kuisaqartarnerup akuerisaannginneranik kikkut tamarmik sianigisaqartitaalerput. Paarlaassinissat pinaveersaarniarnerisa qularnaarnissaat siunertaralugu akuutissanik suliaqartarnermut ingerlattakkat nutaat atugaalersinneqassapput.

3: Uummannami inuit erngup ajoquteqalenera patsisaalluni suliffeerunnermi ikiorsiissutinik qinnuteqarniarlutik saaffignissimasut maangamut qanoq amerlatiginersut Naalakkersuisut ilisimatitsissuteqarsinnaappat?

- a. Tunisassiorfimmit angerlartiinnarneqartut qassit?
- b. Sulisartut qassit?
- c. Aalisarnermik piniarnermut inuussutissarsiuteqartut qassit?

Akissut:

3a: Aalisakkanik suliffissuaqarfimmit 13-it angerlartiinnarneqarsimapput

3b: Katillugit sulisartut 49-nik amerlassuseqarsimapput

3c: Aalisartut piniartullu namminersortutut inuutissarsiortuupput, taakkulu suliffeerunnermi ikiorsiissutinik Pisartagarneq pillugu inatsimmi ilaanngillat.

4. Uummannami inuit erngup ajoquteqalerani suliffeerunnermi ikiorsiissutinik pissarsinissamut akuerisaanngisut qanoq amerlatigippat?

- a. Uummannami erngup akornuteqalenera pissutigalugu suliffeerunnermi ikiorsiissutinik qinnuteqartut akuerisaanngisut suut patsisigalugit akuerisaanngillat?

Akissut:

4: Uummannami imermik ajornartorsiutaasut nassatarisaannik angerlartiinnarneqarneq pissutigalugu inuit katillugit pingasut suliffeerunnermi ikiorsiissutinik tunineqarsinnaasimannngillat.

4a: Inatsisartut inatsisaat malillugu piumasaqaatit naammassineqarsimannnginnerat peqqutaalluni, inuit taakku pineqartut sapaatip akunnerini 13-ini kingullerni minnerpaamik nal. akunnerini 182-ini sulisimannngillat, imaluunniit sapaatip akunnerini kingullerni 13-ini sapaatip akunneranut nal. akunneri 14-it assigisaanni.

5. Uummannami tunisassiorfiup matoqqagallartinneqarnerani aalisarnermik piniarnermik inuussutissarsiuteqartut isertitatigut annaasaqannginnissaat qanoq qulakkeerneqarpa?

Akissut:

Aalisarnermut Piniarnermut Nunalerinermullu Naalakkersuisoqarfiup imatut akissuteqarput: Royal Greenlandimut usinik nuussinissamut akuersissut Naalakkersuisut aalajangiullugulu akuersissutigisimavaat aammalu angallat Sermilik tunitsivissatut inissinneqarsimalluni. Tamatumuunakkut aalisartut suliffissuarmut tunisisinnaanerannik qularnaarisoqarpoq, kingornatigut nioqutissiassaq suliffissuarnut allanut tunisassiarineqartussanngorlugu

assartorneqartarluni. Ilanngullugu Uummannami Royal Greenlandip sulisui
Ikerasammut Saattunullu suliaortinneqarsimapput piffinni taakkunani tunisineq
annertunerpaajutinniarlugu.

Inussiarnersumik inuulluaqqusillunga



Erik Jensen